

tant ie le vois porté aux actions fainctes & courageufes, & rēplies de l'efprit de Dieu.

Après cefte mort, il fe trouue que fa fille adoptiue a vne toux dangereufe, & que fon plus petit fils s'en va mourant: en verité ce bon hōme peut bien dire: *Probasti me, & cognouisti me*: C'est ce qu'on luy inculquoit [71 i.e., 81] fouuent que Dieu vouloit prouuer fa foy. Ces coups de fleches luy eftoient tirées du Ciel par amour. Ce n'eft pas tout, fa femme fubfiftoit parmi toutes ces maladies, & fecouroit fes enfans: Dieu la voulut affliger auffi bien que les autres, elle fut prife de la petite verole qui couroit, & fut la premiere qui entra dans l'Hofpital nouuellement étably à Kebec. Deuant ces grandes atteintes, fon mary auoit defia receu quelques attaques de fes gens: car eftant defcēdu à Tadouffac, les Sauuages fe mocquoient de luy, fçachant qu'il prioit Dieu, difans qu'il vouloit deuenir Iefuite; qu'il vouloit paroiftre auoir de l'efprit, & que tout ce qu'il en faifoit, n'eftoit que pour viure long-temps çà bas en terre, mais qu'il fe trouueroit trompé. Vn de fes Compatriotes luy dit vn iour ie ne fçay quoy qu'il auoit veu en fonge, luy enioignant de l'executer s'il ne vouloit bien-toft mourir; Cela ne l'eftonna point, il répondit qu'il demanderoit au Pere qui le gouuernoit fi la chofe eftoit permife, qu'en ce cas il l'accompliroit, autremēt non. On luy deffendit de la faire, il obeit fans fcrupule, & fans replique: Voila ce qu'opere la grace dans vn cœur qu'on appelle barbare, [82] difons pluftoft dans les enfans de Dieu, puis qu'ils font rēdus tels par le Baptesme.

Ie penfois finir le difcours de ces deux Familles, mais puis que les vaiſſeaux me donnent encor loifir